

MOLIMO O KHETHOLLOA KA LITŠOBOTSI TSA HAE



Ntate oa Leholimō, re U leboha ka monyetla oa ho re tataisetsa mona Beaumont, Texas, hape. Ha ke qamaka liotloaneng tsena, ho hopola mehleng ea rōna mona pele, le lintho tse khōlō tseo U li entseng, ntle le pelaelo bongata ba batho bao ba lutse hantle kantle mona bosiueng bona. Hola U sa ama mebele ea bona e kulang, ba ka be ba le sieo mona bosiueng bona, empa U khonne, 'me ba teng mona. Mehopolo e mengata e sa le teng, e tla kena Bosafeleng le rona.

² Re rapela hore U tle o re fe tšoloho e kholo ea Moea. Re hlohonolofatse 'moho. Hlohonolofatsa kereke e 'ngoe le e 'ngoe, setho se seng le se seng.

³ 'Me, Morena, haholo hlohonolofatsa moena oa rona ea ratehang mona, Moena Peary Green, o tsoela kapele ho leka ho hlahisa Sena. Ha batho ba—ba motse o motle 'ona ba bone e—e maikutlo hore mohlankana enoa o abetse batho mona, ho ba tlisa ho Kreste eo a mo ratang. 'Me o ntse a leka ho kenya tšebetso efe eo a ka e hopolang e lokile, a e hlahlobile ka Lentsoe, 'me o batla ho bona batho ba pholoso.

⁴ Re thuse, Ntate, maitekong a rōna, re sa inehela ho Uena ho sebeletsa, tlotlisong le khanyeng ea Molimo. Re e kopa ka Lebitso la Jesu. Amen.

⁵ Joale, re...hopolang feela, bosiu ka bong joale, tloong le motho e mong, kapa letsa mohala ho bolella motho e mong, le ho bolella molisa e mong le e mong, kereke e 'ngoe le e 'ngoe. Ho sa tsotelehe seo e leng sona, leha ba ka fapana le rona, ha feela u ka kena, oa lula fatše, oa itšoara 'me oa ba mosa, ruri re ananela boteng ba hau mona.

⁶ 'Me joale tloo le Bible ea hau, tloo le pensele, ngola thero fatše. E-ea, u li batle, u li hlahlobe ka Lentsoe u bone haeba li nepile kapa che. Ua bona? 'Me le se ke la nka thutabomolimo ea lona, le e nke kamoo Bible e ngotsoeng kateng. Le a bona, hangata re ka re, "E bolela *sena*, *sena* ke seo E se bolelang." Molimo ha o hloke toloko ea letho, O toloka Lentsoe la Oona ka Sebele. Ua bona?

⁷ Molimo o itse, "Leseli a le be teng," 'me leseli la eba teng. Hoo ho ne ho sa hloke—hloke tlhaloso ea letho. O...E hlahile kamoo A boletseng. O itse, "Moroetsana o tla emola," 'me o e ents'e. Hoo ha ho hloke tlhaloso ea letho.

⁸ Molimo o tšepisitse lintho tse itseng bakeng sa mongoaha 'ona tse loketseng ho etsahala! O e buile, ha e hloke tlhaloso lekhatheng leo. Molimo o itsalo, 'me O a toloka, ka Sebele, ka baka leo Bibe e itse ha E hloke boitlhalosetso ba motho. Molimo o toloka Lentsoe la Oona ka Sebele ka ho Le nètiefatsa.

⁹ Joale kea ipotsa haeba re ka ema ha re bala Lentsoe la Hae, ho tsoa Bukeng ea Baheberu, khaolo ea 1. Lebaka leo ke le kopang ho ema, ke ka ho hlompha Lentsoe lena. Ke lumela Lentsoe e le Molimo, "Lentsoe le ne le le tšimolohong, Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." "Jesu Kreste eena maobane, kajeno, le kamehla," ke mokotaba oa matšolo a rona. Ka baka leo, ha re bala Boleng ba Hae bo tlantsoeng mona Lentsoeng lena, rea ema. Ha re lebisa tloltila ho folaga, ha folaga ea rōna e feta, re ema ka hlomphe nqa folaga ea rōna, sechaba sa rōna, re tlameha ho e etsa. Hape, hakaalo re tlameha ho ema hakakang ha re bala Lentsoe la Molimo! Baheberu 1:1-3, re sa bala:

Molimo, ha o no o buile hangata mehleng ea khale le ka mekhoha e mengata le bontata rona ka baporofeta,

Joale mehleng ena ea qetelo o buile ho rona ka Mora oa hae, eo o 'meileng mojalefa holim'a ntho tsohle, eo hape o entseng ka eena tse bopiloeng kaofela;

Eena eo e leng lehlasele la khanya ea 'ona, le setšoantšo se bonahalitsoeng sa boleng ba 'ona, le ho kakatlela lintho tsohle ka lentsoe la matla a 'ona, eitse hobane a etse hlatsuo ea libe tsa rona, a lula letsohong le letona la Boholo bo holimo;

¹⁰ Ha re rapeleng. Ke ba bakae joale, ka lihlooho le lipelo tse inameng, ba ratang ho hopoloa thapelong, hore khabareng ea kopano ena, nqa e 'ngoe, Molimo o tla aba kōpo ea hau? Phahamisa letsoho la hau feela. Morena o bona letsoho la hau.

¹¹ Ntata rona ea Maholimong, ho ea kamoo mahlo a ka a motho a ne a ka bona, e ne e le leoatle la matsoho. Ruri tšenolo ea Moena Green le takatso ea ka ho tla, e ne e lokile. Joale, Ntate, ba abele takatso ea bona, ho latela Lentsoe la Hau le tšepiso ea Hau. Re ba laelets'a ho Uena. 'Me maphelo a rōna a ke a khemisane le Lentsoe hakana, hoo Lentsoe le tla fetoha nama har'a rōna 'me hoo ho tla neha batho tumelo ea ho hula ak'aontong ea ea bona Leholimong, seo Jesu a ba lokiselitseng sona khale, bakeng sa libe tsa bona le maloetse, ha ba ntse ba le leetong. Re hlohonolofatse joale, rea rapela, re sa U emetse ho re senolela Lentsoe la Hau, le ho Le etsa nama hara rōna. Hobane re e kopa ka Lebitso la Jesu. Amen.

Le ka lula fatše.

¹² Joale ke tla, haeba le ka leka joalo, le se hlote le tsamaea ho feta kamoo le ka thusang kateng, ke bolela ho ema le ho tsamaea,

ho fihlela metsotsong e latelang e mashome a mane a metso e mehlano, e mashome a mahlano, ntho e kang eo. Joale, e—e—e . . .

¹³ Taba ke ena, re batla ho tseba seo e leng 'Nete. 'Me ke eona feela 'Nete eo ke e tsebang, ke Biblele. Joale, Molimo o tla ahlola lefatše tsatsi le leng, re lumela seo, 'me e mong le e mong oa rona batho ba shoang re tla tlisoa ka pel'a Sefahleho sa Hae bakeng sa kahlolo. Ke ngotse lintlha tse 'maloa mona, le Mangolo ao ke batlang ho lebisa ho ona metsotsong e 'maloa.

¹⁴ Joale hopolang, ha nka botsa bosiueng bona, “Na Mokatolike o teng mona?”

“E,” ba ne ba tla rialo. 'Me mohlomong. . .

“Be, ebe Molimo o tla ahlola lefatše ka eng?”

Ba ka re, “Kereke ea Katolike.”

¹⁵ Joale ke tla khutla, “Kereke efe ea Katolike?” Ha li lumellane. Ho se lumellane ho hongata. E 'ngoe ke ea Roma, 'me e 'ngoe ke ea Gerike, le ea Molao, le joalo. Re fumana tse ngata. Ha nka re . . .

¹⁶ Methodise e ka ema, e re, “O tla e ahlola ka kereke ea Methodise.” Be, haeba ho le joalo, joale Baptise ha e na monyetla. 'Me haeba ba e ahlola ka Baptise, ekabeba Methodise ha e na monyetla.

¹⁷ Hobane, hopolang, ho qotsa Lentsoe le le leng ka phoso, le leng (e seng lohle, e seng temana e le 'ngoe feela), jota e le 'ngoe feela ea ho se lumele Lentsoe, e hlhisitse lefu ka leng, boloetse ka bong, masoabi a mang le a mang. E ne e le Eva, tšimong ea Edene. Joale ha tsena tsohle li qosa hoo, ka lebaka la mofumahali a le mong feela ea utloisisitseng Lentsoe ka phoso. . . Eena—ha a ka a etsa ka boomo, o ne a “thetsitsoe,” Biblele e boletse. “Thetsitsoe,” ka Lentsoe, o hlhisitse sena sohle, 'na le uena re ke ke ra khutla ka letho le katlasana ho Lentsoe lohle.

¹⁸ Joale, ke a lumela, Biblele e re A ke ke, ke lumele Molimo o tla ahlola lefatše ka kereke ea Pentekosta, ka Methodise, Baptise, kapa Katolike. O tla e ahlola ka Jesu Krete, O boletse joalo. 'Me Krete ke Lentsoe, “Lentsoe le ne le le tšimolohong, Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna. Eèna maobane, kajeno, le kamehla.”

¹⁹ Ntho eohle ke Bosafeleng bo boholo. Bosafeleng ha bo eso qale 'me bo ke ke ba fela. Ka baka leo, ka har'a e Moholo enoa Bosafeleng e ne e le bokhethi, ho ba Ntate, ho ba Mora, ho ba Mopholosi, ho ba Mofolisi, 'me lintho tsena tsohle li ne li le ka ho Eena. 'Me ntho feela e etsahalang joale, ke ho pepesa litholoana tsa Hae. Ke phetho.

²⁰ Joale, mabitso a rona a ngotsoe Bukeng ea Bophelo ea Konyana pele ho motheo oa lefatše. 'Me ha Lentsoe le khahlola ntho eo, haeba leseli le le teng mono le khethetsoeng Bophelong,

Jesu o itse, “Ha ho ea ka tlang ho 'Na a sa huloe ke Ntate oa Ka, 'me bohle bao Ntate oa Ka a 'Neileng bona ba tla tla ho 'Na.” Ka hona, u a bona, ke Lentsoe, molebe, Lentsoe, Lentsoe.

²¹ Joale, bosiueng bona ke batla ho bua ka sehlooho, ho ntša thero e tsoang palong ena eo re e balileng, *Molimo O Khetholloa Ka Litšobotsi Tsa Hae*.

²² Joale, sohle seo re se fumanang se ka tsebahatsoa ka likhatiso tsa sona.

²³ Joale, re a eelloa, joaloka bophelong ba liphoofole, ha u nka joaloka bophelong ba nonyana. Joale, ha u nka ntho e kang e—e yellowhammer, ha e fofa, le nonyana jay, li shebahala li tšoana haholo. Empa semelo sa yellowhammer, e otlanya mapheo a eona le ho theoha, e ntano ba holimo le tlase, holimo le tlase. Ke eona tšobotsi eo. Ha u ka hlokomela, nonyana ea jay e batla e fofa ka mokoloko.

²⁴ U shebe likoekoe ha li nyoloha, bobwhite, kamoo e fofang kateng. Shebang likoekoe tsa Gambel ha e nyoloha, lōna litsomi. Ua bona, phapang e teng. Shebang jacksnipe le snipe sa Wilson, sebepheho se khethollang seo e leng sona.

²⁵ Nku e kholo e eme mosikong oa thaba, haeba mokokotlo oa eona o ne o furaletse, mokokotlo o le mosoeu, karolo e 'ngoe e putsoa. Haeba u sa tsebe litšobotsi tsa nku eo, e ka ba khama. Ua bona? Ua bona, u tlameha ho tseba likhatiso tsa tsona, ho supa seo e leng sona le seo e seng sona. Re ka tsoelapele ka lintho tse ngata ho le bolella ka bophelo ba phoofole.

²⁶ Ebere theohela bophelong ba motho, litšobotsi lipakeng tsa monna le mosali. Phapang e teng. Bobeli ke batho, empa likhatiso tsa bong ba bobeli boo lia bo qoholla. Ke balile nakoana e fetileng ka bo bong ba mathata a beiloeng e—e hlahlobong ea Salomone, ke mofumahali, hore o ne apesitse basali ba bang joaloka banna. 'Me Solomone a ba laela ho tsamaea le ho etsa lintho tse 'maloa, ka potlako a re, “Bao ke basali.” Le a bona, hobane o ne a ka bolela ka boitšoaro ba bona, e—e likhatiso tsa bona e ne e le basali. Ntho e teng ka eona, eo o ke keng oa e pata, ke—ke mosali hobane khatiso ea hae—ea hae e mo supa e le mosali.

²⁷ Ho joaloka letsoho le letona le le letšehali ho batho. Ke batho ba babeli. U shebe, 'me e mong o le letsoho le letona 'me e mong o le leqele. Sheba kamoo likhatiso tsa bona li ba qohollang kateng, u ka bolela haeba ba le letsohong le letona kapa le letšehali kapa che. Ua bona? Athe bobeli ba na le matsoho, matsoho a mabeli a tšoana hantle, ka ho tšoana hantle feela.

²⁸ Nka rothetsa nthoana mona. Jesu o boletse, ho Mattheu, khaolo ea 24, ho re, “Matsatsing a qetelo, meea e 'meli e tla bapa ho ka thesang le bona bakhethoa hola ke ntho e ka etsoang.”

29 Joale, ho tšoana le ho sheba letsoho le letona le letsoho le letšehali. Bobeli a na le menoana e metona, manala, menoana e menyenyane, menoana e hare, le joalo, monoana o supang, tsohle ke menoana e fapaneng. Eona, likhatiso tsa menoana bobeli, o mong o mpa o shebetse nqa e 'ngoe le o mong nqa e 'ngoe, khatiso e le 'ngoe bobeli, e entsoe ka ho tšoana, menoana e metona. Ntho e 'ngoe le e 'ngoe e a tšoana, phapang feela ke khatiso ea 'ona. E mong o leqejana 'me e mong o letsoho le letona, ke eona feela phapang.

30 'Me le meea e tla ba joalo letsatsing la ho qetela, e tla etsa joalo, khatiso ea eona e tla supa haeba e le oa Molimo kapa che. O mong oa eona o tla loka 'me o mong o tla be o fosahetse, le tla e tseba feela ka khatiso ea Molimo. Ka ho phethahala feela, e tla lokela ho ba joalo. Empa letsoho le letona, re ka re led “le lokilea,” 'me letsoho le letšehali e le “phoso,” u a bona, kapa ka ho fapanyetsana, le leng la ona. A laoloa ke likhatiso tsa 'ona. U ka le tseba feela ka khatiso ea lona.

31 Joalo ka ha Iseraele e ne e le leetong la eona, e tsoa Egepeta. Joale, Molimo o ne o le 'moho le Iseraele, Oa ba bontša pontšo e kholo tlase mono, oa ba romella moporofeta 'me oa bonahatsa Lentsoe la Hae le ngoliloeng. 'Me Oa ba nyolla, re sheba semelo sa Hae, kamo A kopaneng le Moshe, lintho tseo A li entseng. 'Me tseleng ea hae . . . e nyolohang, ba khahlana le sechabase seng, seo e neng e le Moabe. 'Me Moabe e ne e le sechaba se sehoho, joale, e seng mohetene, le ho leka. E ne e le bana ba barali ba Lota, 'me e ne e le balumeli. Joale, hlokomelang lichaba tse peli. Se seng se sechaba se hjlomphuoang, se seng ke mojaki feela. 'Me joale ba fihla moo sechaba sena se sehoho sa Moabe se lutseng hantle tseleng ea mosebetsi oa bona, ho ea lefatšeng la pallo. Joale ba ne ba . . .

32 Shebang e—e lichaba tse peli, se seng le se seng se na le moporofeta. E mong ho tsona e le moruti e moholo le moporofeta, Balaame. E mong e ne e le Moshe. Joale Balaame o theoha ho . . . ho rohaka Iseraele.

33 'Me, hlokomela, bobeli ba tsona li ne li le lutse molaomotheng ruri. Moporofeta, boramotheo ho tsoa ho Balaame, o itse, “Nkaheleng lialetare tse supileng,” eo ke palo ea Molimo hantle. “Le ho nyehela holim'a aletare e 'ngoe le e 'ngoe sehlabelo se hloekileng, pohoana,” e leng sona sehlabelo seo ba neng ba se beile tlase lihahelong tsa Iseraele. 'Me o itse, “Holim'a aletare e 'ngoe le e 'ngoe ho hlahisoe pheleu,” e bua ka ho tla ha Krete. 'Me tlase Iseraeleng ba hlahisitse sehlabelo se tšoanang.

34 Lialetare tse tšoanang, Molimo o tšoanang, empa e mong oa bona a fositse 'me e mong a nepile. 'Me joale mokhoa o le mong ho bolela hore e ne e le . . . Ha ho fihloa, ho latela motheo, Lentsoeng, bobeli ba bona ba ne ba nêpile. Empa, u a bona, e mong, merero

ea hae e ne e fosahetse, o ne a leka ho poma moena oa hae tseleng ea pallo eo Molimo o mo neileng eona.

³⁵ Ntho e 'ngoe, eona, moporofeta oa Balaame, o ne a tsepame le motheo, empa moporofeta Moshe o tsebahalitsoe ka likhatiso tsa Molimo. Topallo ea Mollo e ne e le eo, Leseli le mohlolo le lopaletse holim'a bona. 'Me lipholiso tse kholo li atile lihahelong tsa bona, Molimo o mohlolo o bontšang lipontšo tse mohlolo. 'Me ba ne ba lula hantle feela le Lentsoe la tšepiso leo Molimo a le fileng Abrahamama morao nakong eo lichaba tse peli li qalileng ka eona. Empa, joale, Moshe o ne a tšoare tšepiso ea Abrahamama, a ea lefatšeng la pallo. Balaame, le eena moporofeta oa Morena, a eme tlase mono. 'Me tsela e le 'ngoe feela eo u neng u ka e khetholla, e seng ho tsoa thutong ea bona ea motheo, empa ka semelo sa Molimo.

³⁶ Ho ne ho utloahala molumo oa—e mohoo oa lentsoe la Khosi tlase mona le Iseraele. Pheko e ne e sebetsa, Noha ea Borase, Lefika le teiloeng. 'Me Molimo o ena le bona, ho Iponahatsa ka Leseli le mohlolo, le ho folisa maloetse a bona le mafu ha ba tsoelapele. Likhatiso li pakile seo A neng a le sona, ho lula mochong oa Lentsoe bakeng sa mongoaha oo, bakeng sa mongoaha oo ba neng ba phela ho 'ona. Likhatiso tsa Molimo li Ikhettholla le Moshe. Ua bona, likhatiso tsa Molimo li bonahatsoa le Moshe. Topallo ea Mollo, pheko motsamaong, Lefika le mohlolo, le teiloeng, 'me bao . . . hape le Noha ea Borase, e bua ka pholiso, 'me hape—hape ba boetse ba kene temeng ea kutlo, ea tšepiso ea Molimo.

³⁷ Hape, likhatiso tsa Molimo ha se tsa tlhaho. Khatiso ea Molimo e kaholim'a tlholeho, hobane Ke 'Mopi. Ke ea phahameng ka ho Fetisisa. 'Me mohla khatiso ea Molimo e qalang e ipepesa, ha e a tloaeleha mohopolong oa sejoale hoo e ba faposang mocha. Ha ba khone ho E utloisisa, leha ho le joalo ha A ke a fapoha tšepiso ea Hae. Molimo mengoaheng eohle, ke boletse, o baletse Lentsoe.

³⁸ Ha re nkeng, ho tea mohlala, e mong. Josefa e ne e le eo, monna oa Maria. 'Me joale o ne a lebelelitse mofumahatsana enoa, 'me ba ne ba tla nyalana. Empa pele ba kopana, a fihleloa a e-na le ngoana ka Moea o Halalelang.

³⁹ Joale, bohle re lumela seo, haeba re le Bakreste. Re tšoanela ho lumela seo ho ba Mokreste. Eo ke Bibe. U tlameha ho lumela Lentsoe le leng le le leng ka Bibeleng, ho ba Mokreste. Joale, hobane ha Moea o Halalelang o le teng ka *mona*, O tla omela Lentsoe le leng le le leng le tšepiso e 'ngoe le e 'ngoe ka “amen.”

⁴⁰ Hobane, joale, Josefa e ne e le monna oa toka, e ne e le monna ea lokileng. 'Me ntle le pelaelo Maria o ne a 'moleletse ka ketelo ea Gabariele, le kamoo a neng a tla khurumetsoa ke Moea o Halalelang, 'me a tla emola 'me a tsoale Mora, 'me Lebitso la Hae a tla reoa “Jesu,” kamoo a tšoanetseng a be a boleletse Josefa. 'Me

Josefa a ka sheba mahlong a hae a maholo a masoothoana, 'me a ka bona ho hloka sekoli ha eona, 'me a batlile ho e lumela. O ne a batlile ho e lumela ka pelō ea hae eohle, feela e sa tloaeleha haholo, 'me a hopola ho mo lahla, sephiring.

⁴¹ Joale, ha motho a tšepahala ho eona, Molimo o tla etsa tsela e itseng ho bontša monna eo hore ke 'Nete. O tlamehile, haeba u tšepahala. Haeba u E bona, 'me u E ngala, u tla ahloloa. Empa, haeba u tšepahala 'me u bona 'Nete!

Joale, Josefa o ne a “hopotse.” A re, “Ha e a tloaeleha!”

⁴² Ho joalo le kajeno, hore batho, banna ba batle, banna ba khabane, batho ba lokileng, basebeletsi ba khabane, bongata ba bona, baprista le ba joalo, ke banna ba lokileng, empa netefatso e mohlole ea tšepiso ea letsatsi lena ha e a tloaeleha, e ba akhotsa hofihlela ba thekesela. E etsa hoo hobane e pepesa khatiso ea Molimo.

⁴³ Joale, Josefa, monna oa hae, e leng monna ea lokileng, a sa batle ho mo hobosa phatlalatsa. O ne a sa khone ho e lumela; eena—o lekile joalo. Empa eare a sa hopotse lintho tsena, Lengeloi la Morena la bua le eena 'me la 'molella.

⁴⁴ Joale, ha A tlameha ho bua ka toro kamehla, A ka Itšenolela uena ka Lentsoe, le ho u bontša hore Le lokile, haeba u tšepahetse ho lekana ho Le sheba le ho bona haeba e le khatiso ea Molimo e ipepesang, empa kamehla e khopolo e 'ngoe le Lentsoe la pallo.

⁴⁵ 'Me ntho e 'ngoe, kamehla Lentsoe la Molimo le lokisa phoso. Le lumela seo? Lentsoe le a e batalatsa. Ha Molimo o netefatsa Lentsoe leo, le a e batalatsa.

⁴⁶ Joale ha re, ntho e le 'ngoe feela kelellong ea ka eo ke ratang ho e nahana. Re ke ke ra nka nako e ngata, hobane re batla ho rapella bakuli ba itseng. Ha re boneng. Mohla Jesu, e leng Lentsoe. . . Bibe le Mo tlalehile e ne e le Lentsoe. Bohle re lumellana le hoo, hore E ne e le Lentsoe. Lemohang mohla A leng lilemo tse leshome le metso e 'meli. Joale, ha re na rekoto ea hore O kene sekolo. Empa Moshanyana oa lilemo tse leshome le metso e 'meli a batla a le phahame *hakana*, bao, motsoali oa Hae, Maria le Josefa ba nyolohela tempeleng ho . . . holimo ho . . . ho rapela ka paseka. 'Me eare ba sa le holimo mono, ba khutlela hae ka morao ho paseka, ba tsamaile leeto la matsatsi a mararō, 'me ha ba fumana Jesu nqa efe. 'Me qetellong ba Mo fumana, hoba ho fete matsatsi a mararō a ho 'Matla, ka tempeleng, a ntse a hanyetsana le baholo bao ka Lentsoe la Molimo.

⁴⁷ 'Me joale mamelang Maria. Joale ho batho ba mo nkang e le molimotsana, shebang. Le a bona, e—e mosali o thetsitsoe qalong. 'Me le mo shebe mona. Haeba u eso e lemohe, shebang sena. A re, “Na le ntat'ao esale re O batla, ka likhapha.” Lemohang, o thunthelitse bopaki (pel'a baprista bao) boo a bo pakileng. O ipoletse a “emotsoe ke Moea o Halalelang,” 'me mona o bitsitse “Josefa” ntate oa Hae.

48 Joale shebang Moshanyana eo oa lilemo tse leshome le metso e 'meli, e leng Lentsoe la hora eo. E ne e le Lentsoe la pallo ea hora eo, Messia ea tlotsitsoeng. Shebang seo A se buileng, "Ana ha le tsebe Ke tšoanetse ho ba mosebetsing oa Ntate oa Ka?" Lentsoe le lokisa phoso. Le a bona, le Mohlolo, Ngoana oa lilemo tse leshome le metso e 'meli! Ha ke hopole Jesu a utloisisitse seo A se buileng, empa E ne e le Lentsoe, 'me Lentsoe le lokisa phoso. Le a bona, A lokisa 'mè oa Hae, 'me a mo khalema ka ho rialo. Joale, holane ebile—ebile mosebetsi oa ntate oa Hae, A ka be a le ho ntate oa Hae, hola Josefa e ne e le ntate oa Hae.

49 Empa, le a bona, o ile a futahana a roaleha, joaloka Eva, 'me a susumetsoa, khele, a re, "Na le ntat'ao esale re U batla, ka meokho."

50 A re, "Ana ha u tsebe Ke tšoanetse ho ba mosebetsing oa Ntate oa Ka?" Le bona kamoo Lentsoe le otlollang, Le lokisa phoso.

51 Satane o entse phoso mohla a lekang ho leka Jesu. Empa O khutlile ka Lentsoe la Hae ka Sebele, le ho mo hlola ka Lentsoe.

52 "Molimo," Bibe e boletse mona, "mehleng ea khale le ka mekhoha e mengata, o Ipontšitse baporofeta ba Hae, O buile le bontate ka baporofeta." Joale, ho bontša khatiso ea Hae ea ho Itsebisa, ua bona, ho motho, O buile le baporofeta. Baporofeta, lipono tsa bona, tse netefalitsoeng, e ne e le—e ne e le khatiso ea Molimo e tsebisang ka pono ea moporofeta.

53 Joale, ha ho motho ea ka hlahosang pono, ha ho mokhoa oa ho e etsa. E mohlolo. Ke ntho eo u bonang se bileng teng, se leng teng, le se tla hlaha. 'Me e ne e le tsela ea Molimo, ea ho romela monna ea buileng lintho tseo le ho bontša lintho tse neng li tla hlaha (e seng bosiuung bona feela) bosiu bo bong le bo bong, nako le nako. Sohle seo a se buileng se ne se tlameha ho bapa le Morena ka phethahalo, e ne e tlamehile ho ba Lentsoe la Morena.

54 Ka sena, lineo le lipitso ha li tlišoe ke pako. U ke ke ua soothofatsa mahlo a hau athe a maputsoa. U ke ke ua ikatolosa ka maoto a tšeletseng atnhe u maoto a mane feela. "Ke mang ea ka eketsang noko seemong sa hae?" Rona, 'moho, re seo re leng sona ka mohau oa Molimo.

55 Joale, lineo le lipitso ntle le pako. Baporofeta bana ba tsoetsoe e le baporofeta. Moshe o tsoetsoe e le ngoana e motle. Jesu e ne e le Mora oa Molimo, ho tloha pele ho motheo oa lefatše, tholoana ea Molimo. Jeremia . . .-leshome le metso e 'meli, lilemo tse makholo a supileng le leshome le metso e 'meli, kea kholoa, le pele a tsoaloe, e ne e le lentsoe la eo, che, ke kopa tšoarelo, o ne a tlotselitsoe moporofeta lichabeng, 'me a—'me a halalelitsoe popelong ea 'mae a beiloe moporofeta ho sechaba. Johanne Mokolobetsi, seo ke se nahanneng, lilemo tse makholo a supileng le leshome le metso e 'meli pele a tsoaloe. E ne e le lentsoe la ea hooang feelleng.

⁵⁶ Le a bona, ke Molimo o hlomamisang. O romela monna, ho nka Lentsoe la mongoaha oo. Empa joale pele u ka lumela Lentsoe leo la mongoaha oo, O Itsebisa ka khatiso ea Hae, ua bona, ka tsebo, ka pono. O boletse lintho tse tla hlaha, 'me li a etsahala. 'Me Molimo o itse, "Mohla seo se etsahalang, u a lumela hobane o tšoere tlhaloso ea Lentsoe, hobane Lentsoe la Morena le tla ho monna enoa." 'Me litšoanelo tsa hae: o tsebahatsoa e le seboni, kahara Testamente ea Khale. E hlakile kamoo e ka khonang! Khatiso ea hae e a tsebahatsoa, e a tumisoa, limelo tsa hae.

⁵⁷ Joale, ke kamoo "Molimo o sebelitseng mehleng ea bohoholo," Bibeletse e re, "ka mekhoa e mengata, O buile le bontate ka baporofeta, empa matsatsing ana a qetelo ka Jesu Krete, Mora oa Hae, O a bua."

⁵⁸ Joale, Jesu o boletse, ho Johanne 10:37, "Ekare ha Ke sa etse mesebetsi ea Ntate oa Ka, le se lumele ho 'Na."

Ua bona, ba itse, "U le Motho, u Iketsa Molimo."

⁵⁹ O itse, "Ekare ha Ke sa etse mesebetsi ea Ntate oa Ka, le se ke la lumela ho 'Na." Joale O itse, "Johanne e ne e le leseli le khanyang le phatsimang. Uena, le lehlo, le ratile ho tsamaea leseling la hae nakoana. Joale Johanne o itse, 'Ke tšoanela ho boba; O tšoanela ho eketseha.'" E ne e le Leseli la lefatše, hobane E ne e le Lentsoe le netefalitsoeng, le bonahalitsoeng le entsoeng nama. Ua bona, E ne e le Molimo o na le rōna.

⁶⁰ Baporofeta e ne e le Molimo ea nang le bona. Jesu o itsalo. O itse, "Ekare ha le bitsa bao Lentsoe la Molimo le tšileng ho bona, 'melimo, ' le Nqosa ka'ng ha Ke Ipitsa Mora oa Molimo?" Le a bona? Ka baka leo moo Lentsoe le builoeng ke Molimo le netefatsoang, ke moo Molimo a Itsebisang ka khatiso ea Hae, ho phethahatsa Lentsoe la Hae. Ha Le hloke tlhaloso. Le se le tolakiloe, ka Bolona, le paka seo Le leng sona.

⁶¹ Joalokaha A boletse, "Leseli le be teng," 'me leseli la eba teng, ha u a tlameha ho re, "Be, ebe hoo ho ne ho bolela'ng?" Ho bolela feela, ke eo moo e leng teng, hoo ho a e paka. E se e hlahile.

⁶² Joale Jesu o boletse, "Ekare ha Ke sa etse mesebetsi ea Ntate oa Ka," kapa ka mantsoe a mang, "ekare ha Ke se na khatiso ea Ntate oa Ka, le se ke la e lumela. E khetholla semelo sa Ka, hore Ke Mang. Ha le sa lumele ho 'Na, le mpe le lumele boitsebiso boo Molimo o bo abileng. Ekare ha le—ekare ha le sa . . . Haeba Ke sa etse joalo, haeba semelo sa Ka se sa tsebahatse maemo a Ka, joale le se lumele maipolelo a Ka." Ua bona? Le a e tšoara bosiuong bona? Ba e utloisisang ba bakae, phahamisa letsoho la hau. Ua bona? "Ekare ha semelo sa Ka se sa khetholle Eo Ke ipolelang ho ba eena," Jesu o itsalo, "joale le lumele e . . . Ekare ha le sa lumele ho 'Na, khele, lumela feela e—e—e boitsebiso ba semelo seo Ke leng sona."

63 Johanne 14:12, “Ea lumelang” Jesu o itse “ho ’Na, mesebetsi eo Ke e etsang o tla e etsa le eena.” Joale shebang, “Ea lumelang ho ’Na,” molumeli oa sebele, “mesebetsi eo Ke e etsang o tla e etsa le eena.” Lemohang. Ka mantsoe a mang, tjena, “Ea lumelang ho ’Na, o tla tsebahatsoa ka khatiso ea Ka, mesebetsi.” Joale, ke seo A se entseng. O itse, “Ekare ha Ke sa etse mesebetsi ea Ntate, le se ke la lumela ho ’Na.” ’Me Ntate o buile le baporofeta, ’me eo e ne e le khatiso ea bona, boitsebiso. Ho ne le joalo le ka Jesu. ’Me e ts’episitsoe ea lumelang, “Likhatiso tsa Ka li tla sebetsa ka ho eëna joaloka ha e entse ka ho ’Na. ’Me ekare ha Ke sa etse mesebetsi ea Ntate oa Ka, le se lumele ho ’Na. Empa ekare ha Ke etsa mesebetsi, ’me le sa lumele ho ’Na, le mpe le lumele mesebetsi, hobane e boletsoe, e tšoanetse joalo.”

64 O itse, “Batlisisang Mangolo, hoba ho Oona le lekanya hoba le na le Bophelo Bosafeleng, athe Ke Oona a le bolellang hoba Ke Mang.” E ne e le Jesu, ua bona, Molimo o bonahalitsoeng, ho Ipontša. “Ke eona e pakang hoba Ke Mang.” Hoo ho etsa Baheberu 1:1 joale, “Molimo mehleng ea khale o buile ka baporofeta,” e tsebahatsa ka ho hlaka joale khatiso ea tsoho ea Mora oa Hae. Molimo o buile ka baporofeta mohlang oo, ka Mora oa Hae joale. Molimo o sa fetoheng, eona khatiso eo, “Mesebetsi eo Ke e etsang, le lōna le tla e etsa.” Molimo, o tsebjoa ka khatiso ea Oona e tsebahalitsoeng. Ke kamoo u tsebang kateng.

65 U re, “Be, ke u bolella *sena*, re bina *sena*, re etsa *sena*, ’me re etsa sane.” Ha se seo ke buang ka sona.

66 Ke bua ka Lentsoe le bonahalitsoeng le ho tsebahatsa e . . . ka lona, likhatiso tsa Lentsoe la pallo bakeng sa mongoaha.

67 Bafarisi bao ba tsebile Bibeletse hantle joaloka mang kapa mang, ho feta kamoo mang oa rōna oa tšebeletsoe ea bolisa a ka tsebang ea rōna kajeno. Ba ne ba loketse ho phela ka Oona. Bontata bona moholo e ne e le baprista. Ba E hlahlobile, motšoare le bosiu, ’me ba sitiloe ho bona Lentsoe leo le tsebahalitsoeng.

68 Kajeno, Luthere o itse, “Ha u lumela, u O fumane.” Methodise e re, “Ha u hooeletsu, u O fumane.” Pentekosta e itse, “Ha u bua ka lipuo, u ne u O fumane.” Re fumana hoo hohle ho fosahetse! Ba bang ba bona ba itse, “Tholoana ea Moea u E tšoere.” ’Me e fosahetse! Bopaki bo leng bong feela ke hore, ke mohla netefatso, ha Molimo ka Sebele a Itsebahatsa Lentsoeng la tšepiso ea hora. Ke eo moo e leng teng.

69 Ke bomang ba neng ba atetsoe ke litholoana tsa Moea ho feta baprista bao ba khaleng, ho bolotsa bana le ho ba hlohonolofatsa, le ntho e ’ngoe le e ’ngoe? ’Me mona thaka lena Jesu, a fihla, a hlanamisa linqalo tsa bona tsa sehlabelo, a ba shalima ka khalefo, ho ba shapa, ho ba leleka, ha ho boitsebiso ba letho. Lengolo ke boitsebiso ba Hae! O ne a se na setlankana

sa botho, E ne e se setho sa mokhatlo oa letho. Empa Molimo o buile ka Eëna, boo e ne e le boitsebiso ba Hae!

⁷⁰ Boo ke boitsebiso ba Molimo ba makhonthe horeng efe, ke boitsebiso ba Hae. Ke seo e leng sona, Mangolo a tšepisoeng, a tsebahalits'oeng ka khatiso ea tšepiso e leng Molimo, 'me Molimo ke Lentsoe. 'Me ha khatiso ea tšepiso eo e tsebahatsoa, hoo ho etsa molumeli. Jesu o itsalo, 'me ke phetho. Amen.

⁷¹ Lemohang, joale rea fumana, likhatiso li a Mo tsebahatsa. "Haeba . . ." O itse, "Ekare ha e sa etse joalo, le se lumele ho 'Na." Joale, Jesu o boletse e tla Mo tsebahatsa.

⁷² 'Me joale hopolang, matsatsing ana, matsatsing ana a qetelo, ho boletse Baheberu 1:1, "Molimo, mehleng ea khale le ka mekhoha e mengata, o buile le bontate ka baporofeta. Letsatsing lena la ho qetela o buile le rōna ka Mora oa Oona, Jesu Kreste." Ua bona? Boitsebiso ba Molimo ka Sebele bo bonahalits'oeng ka ho tšoana le kamoo A sebelitseng mehleng, ka ho sebelisa khatiso ea Hae e tšoanang. Amen. Lemohang Baheberu 13:8, e re, "Ke oa maobane (mehleng ea bohohoholo), kajeno, le kamehla ka ho tšoana!" Ka mokhoa oa Hae, ka ho tšoana, khatiso ea Hae e a tšoana, ntho eohle e a tšoana! Molimo, Molimo o sa fetoheng o ke ke oa fapoha khatiso eo ho feta kamoo A ka fapohang molao oa Hae. Ke seo A leng sona, Ke Lentsoe. Ke Lentsoe la hora. Ke Lentsoe. Mohla O bopang lefatše, leo e ne e le Lentsoe. Mohla O bopang motho, e ne e le Lentsoe, litholoana tsa Oona. Mohla O neng o bopa Kreste, e ne e le Molimo, Emmanuele. 'Me mohla O neng o Mo etsa Mopholosi, tseo e ne e le litholoana tsa Oona. Mohla O ne o Mo etsa Mofolisi, tseo e ne e le litholoana tsa Oona. Le a bona? Kamehla ke Lentsoe le tsebahatsoang, Lentsoe le tsebahalits'oeng ka khatiso ea Molimo. Lemohang mokhoa, Eena kamehla, ha A fetohle le ka mohla.

⁷³ Shebang banna ba bararo ba tlileng ho Abrahama, ba lutse monyako oa hae oa tente letsatsing leo. Re tla mo sheba mono metsotso e 'maloa. O ne a tlile, a bitsitoe naheng ea Kaldea, Bakalde, le motseng oa Ure. A ile a lelekoa motseng oa ha'bo, ke melao ea Molimo, a ile a ikhetha ho se lumeleng hohle. Eo ke khatiso ea pele ea Molimo, ikarole ho se lumeleng, ha A bitsa motho!

⁷⁴ 'Me O mo file ntho eo ruri, e ke keng ea etsoa kelellong ea tlhaho, ho e lumela. A re, "Abrahama, oa hau . . ." A le lilemo tse mashome a supileng a metso e mehlano, 'me Sara a le mashome a tšeletseng a metso e mehlano. Bao, eo e ne e le khaitseli ea hae, ba phetse lilemo tsena tsohle ba se na bana. A re, "Ke tla u nea mora ka Sara, 'me eena o tla klhona, ka eena, Ke tla u etsa ntata lichaba tse ngata." Joale, o e lumetse.

⁷⁵ Nako ea feta, ha ho phethoho ho Sara. Ua bona? O ne a tlotse lilemo, o—o ne a tlotse menophose. Mashome a tšeletseng a metso e mehlano, a se a tlotse nako eo. Abrahama, mashome

a supileng a metso e mehlano, 'mele oa hae o se o ichoeletse. Popelo ea hae e ne e se e ichoeletse. Empa Abrahamama ha a ka a sisinyeha tšepisong ea Molimo, ka ho se lumele. A 'na a lumela, hobane Molimo o e buile, 'me a khotsoe, "Efèla ha Molimo o e buile, likhatiso tsa Hae li tla hlahisa seo A se buileng!" Joale, re tlamehile re be re le bana ba Abrahamama, Peō ea Abrahamama! Joalo, joalo, lilemo tse mashome a mabeli a metso e mehlano tsa qaphana. Ha ho phapang ho Sara, le letho, a mpa a holile, a inama, 'me le eèna o joalo. Empa le joale Abrahamama o e lumetse.

⁷⁶ 'Me tsatsi le leng, ha Molimo o bona mohlanka oa Oona a ikanetse ho ba mohlala ho batho ba kajeno, 'me ka eena O ne a tla hlohonolofatsa lichaba, hoseng ho hong ho chesang ekaba hora ea leshome le motso o mong, banna ba bararo ba tla ba mo atamela. Ba qoqa le eèna. 'Me a ba mema ho lula fatše. Ntho e teng e neng e bonahala e fapane le motho. Lintho tsa moea li utloisisoa ke lintho tsa moea. Lemohang, 'me ba nyoloha ba lula fatše. Abrahamama a ba talima, a re, "Morena oa ka." O tšoanela ho etsa'ng?

⁷⁷ Ba babeli ba bona ba theoaha 'me ba rera Sodoma, e leng bopaki ba sejoale kajeno. Lihlopha tsa lona tse tharo ke tseo tsa batho: Sodoma, le kereke tlase Sodoma, Abrahamama Mokhethoa ha a ka hare ho Sodoma. Manqosa a mabeli, Billy Graham oa mehla ea joale le . . . Hopolang, har'a manqosa 'ohle ho kereke, ha ho motho ea kileng a tsoa ka hara kereke eo ea maipolelo a molomo ka ntle mono, ea qetellang lebitso la hae ka h-a-m, pele. Ebile Finney, Sankey, Knox, Calvin, le ba joalo, Billy Sunday, le ntho eohle esele, empa e seng G-r-a-h-a-m, kapa ofe ea qetellang ka h-a-m, e boelang "ntata lichaba." Eaba o theohela mono, a ntse a rera. Shebang hora! Baipehi-balumeli ke bana, bomosalumele, le balumeli. Banna ba bararo bana ba tlile. Ba babeli ba bona ba theohela motseng, Billy Graham le Oral Roberts ba sejoale-joale har'a batho, ba ntse ba rera. Malulo, Jesu o buile ka 'ona.

⁷⁸ Lemohang, Mokhethoa o ne a fihla . . . a lutse kantle holimo mona, Abrahamama le sehlopha sa hae. 'Me mohlala Monna enoa ea setseng le Abrahamama, Mo shebeng, O pepesitse khatiso ea Molimo, hoba O itse, "Sara o kae?" Lebitso la hae e ne e le Sarai, letsatsi pele ho moo; joale ke Sarah, S-a-r-a-h. Ho re "Abraham," e seng Abram, "Abraham, mosali oa hau o kae, Sarah?"

Ho re, "O ka tenteng ka mora Hau."

⁷⁹ Ho re, "Ke tla u etela." Eaba Abrahamama o mamela puo eo. "Ke tla u etela ka nako ea bophelo."

⁸⁰ 'Me Sara a tšeha, kamoo ho neng ho le kateng, a itšehela, ka ho eena, le ho re, "Ke tsofetse, le morena oa ka o tsofetse, na re tla boela re thaba joaloka bahlankana le basali? Ho latela—ho latela kamano ea botho, mohlomong, e se e fetile lilemo tse ngata. 'Na?" A tšeha.

⁸¹ 'Me Monna, ea shebileng Abrahamana, Sarah ka tenteng ka mora Hae, a re, "Sara o tšehile ke'ng, a re, 'Lintho tsee li ka hlaha joang?" O Itsebahalitse.

⁸² 'Me Abrahamana o Mo bitsitse "Elohim." Joale, mang oa lōna babali ba Biblele le tseba seo. Elohim, Molimo, Rabokhoni-bohle, le a bona, ea bonahalitsoeng 'meleng oa motho o ne a ja nama ea namane, a noa lebese la khomo, a ja bohobe le botoro. Elohim o ile a tsebahatsa likhatiso tsa Molimo, 'me Abrahamana o Mo bitsitse "Molimo." Eng? O ile a tsebahatsoa, Elohim!

⁸³ Jesu o boletse, ho Luka, khaolo ea 17, mohla matsatsing a qetelo (Molimo mehleng ea khale o buile ka baporofeta, matsatsing a qetelo ka Mora oa Oona), joale shebang, O itse, "Mohla Mora motho a senoloang." Shebang, "ho senoloa," ho tsebahatsoa matsatsing ana a qetelo pele ho nako ea qetelo, mohla Mora motho a senoloang, malulo ana a Sodoma a tla boela a khutla. "Joaloka matsatsing a Sodoma, ho tla ba joalo ho tlang ha Mora motho, mohla A senoloang, ho tsebisoa Kereke, ho Bakhethoa (e seng ho Sodoma kapa Basodoma, kapa bao tlase Sodoma), ho Bakhethoa." Abrahamana e ne e le Mokhethoa. 'Me Peo ea borena ea Abrahamana ke balumeli, ka Krete Jesu Lentsoe, 'me ke Mokhethoa. 'Me mohla Mora motho a senoloang, malulo ao a tla boela a ipheta.

⁸⁴ Shebang lefatše kajeno. Haeba e se Sodoma le Gomora ea tloaelo, ha ke eso bone e 'ngoe. Sodoma le Gomora! Shebang kereke, joaloka Lota ea lutseng mono 'me a tubjoa moea oa hae o lokileng kamoo a boneng libe tsa Sodoma. Bareri ba bangata ba lutseng ha hae. . . Monna ea khabane ea lutseng phaposing ea hae ea ho bala, a hlophisa thero ea hae le lintho tse joalo, ho sheba kantle seterateng le ho bona basali ba apereng lishotso, le boitšoaro bo hlephileng le lintho, le lintho tse etsahalang joalo, a ke ke a bua letho ka eona, mokhatlo oa hae o ne o tla mo ntšetsa kantle. Lota o ne a se sebete sa ho emela Se neng se lokile, le Sodoma le Gomora tsa sejoale kajeno li joalo.

⁸⁵ Empa ba teng ba leng kantle ho Sodoma, ba tsoaletsoeng kantle mono, e seng ka thato ea motho, empa ka thato ea Molimo le ka Peō ea Molimo. Shebang boitsebiso mono, e seng thero feela, empa pontšo e tsebahalitse Lentsoe la Molimo le entsoeng nama ka ho motho. Malulo a khutlela morao hantle feela joaloka mehleng eo, 'me ke letsatsi leo hantle. Ntho e 'ngoe le e 'ngoe e phethahetse, ntho e 'ngoe le e 'ngoe e lutse hantle mocheng. Eka re ka be re e-na le nako ea ho tsoella metsotso e 'maloa, empa ha re na eona, ka hona re tla potlaka. Malulo a tla boela a phethoa matsatsing a qetelo.

⁸⁶ Joale, Baheberu 10:1, "Molimo, mehleng ea bohoholo, ka baporofeta, o Iponahalitse. 'Me matsatsing a qetelo O Itsebahalitse ka Mora," ho Mo etsa Baheberu 13:8, "ena maobane, kajeno, le kamehla."

⁸⁷ Lemohang, Molimo, mehleng ea bohoholo, o buile le Moshe. 'Me joale, 'me le hopole, O Itsebahalitse ka Leseli, Topallo ea Mollo sehlahleng se tukang. Ke kamoo A e entseng mehleng ea khale. 'Me A bua le Moshe. 'Me Leseli leo, Le entse'ng? E hlahisitse khatiso ea Molimo, E buile Lentsoe, "Ke utloile lillo tsa batho ba Ka tlase Egepeta. Ke bone mefehelo ea bona 'me ka utloa lillo tsa bona, 'me Ke hopola Lentsoe la Ka. Ke tla theoha, Topallo ea Mollo, Leseli, ho ea le ho lopolla batho. Ke roma uena, Moshe."

⁸⁸ Shebang likhatiso tsa Molimo. A nka lerole le tlang seatla 'me a le lahlela sebakeng, 'me la fetoha matsotse. Khatiso ea 'Mopi ea Molimo e ne e le ka ho Moshe.

⁸⁹ 'Me Moshe o buile, ho Deutronoma 18:15, le ho re, "Morena Molimo oa lōna o tla le hlahisetsa Moporofeta ea joalo ka 'na." Joale shebang, leo ke Lentsoe hape, khatiso. Molimo o bua ka Moshe, ho ba bolella hore Morena o tla hlahisa e Mong ea kang eena. Joale lemohang kamoo likhatiso tsa Jesu li Mo tsebahalitseng e le Lentsoe lena la pallo. Enereha Moshe a e boletse e tla ba joalo, semelo sa Jesu se e tsebahalitse. Lemohang joale, "Morena Molimo oa lōna," eo ke Molimo, leo ke Lentsoe, "o tla hlahisa Moporofeta ea joaloka 'na. Ea sa lumeleng Moporofeta eo, o tla khaoloa hara batho." Joale shebang, mohla Jesu a tlileng, O ne a tla fua khatiso ea mofuta mong? Ua bona, lemohang joale Lentsoe la pallo, O ne a tšepisitsoe ho ba Moporofeta ea joaloka Moshe.

⁹⁰ Joale, ba fue baruti ba mefuta eohle, borabi ba mefuta eohle. Ba ne ba eso fumane moporofeta lilemo tse makholo a mane, ho tloha—ho tloha ho Malakia, 'me joale hang mona ho hlaha Monna temeng.

⁹¹ Joale, ralihlapi o ne a le teng, ba babeli ba bona, bara ba motho, 'me e mong oa bona, lebitso la hae e le Andrease, 'me lebitso la e mong e le Simone. Ntata bona o boletse ho ela hloko matsatsing ao; ho kile ha hlaha lintho tse ngata tsa bohata. Monnamoholo . . . Ke balile bukana khetlo le leng, moo, athe e ka be e le tšomo, ha ke tsebe, o itse, "Bara, joale pejana Messia a fiha, joaloka ha bohle re lebeletse, mehleng eo lintho tsa mefuta eohle li tla be li etsahala. Empa kamoo le tla tseba Messia enoa, O tla khema le Lengolo. E tla ba Moporofeta, hobane Lentsoe la Molimo le Mo tlalehile e le Moporofeta."

⁹² Andrease one a utloile Johanne. Be, ntho feela eo Johanne a neng a e etsa, e ne e le ho porofeta feela. Le a tseba, Jesu o itse, "Le tsamaile leseling la Johanne, empa 'na ke na le Leseli le fetisang la Johanne. Ke tsoere boitsebiso bo fetisang ba Johanne, hoba, mesebetsi eo Ntate a Mphileng eona ho e etsa, e paka ka 'Na." Johanne o sa tsoa rera, o mpile a etella pele, ha a etsa mehlolo kapa likhatiso life tsa Molimo tsa tšepiso. Empa Jesu ke enoa a etla ka khatiso eo!

93 Simone o tsoile ho ea Mo utloa tsatsi le leng, 'me hang ha . . . Simone mohlomong a tsoa le Andrease. Andrease esale a etela teng nako ena eohle. Empa, Simone, eitseha a kena ka pel'a Sefahleho! Joale mamelang, ha re koala. Eitseha a kena ka pel'a Sefahleho sa Jesu, Jesu a mo sheba, A re, "Lebitso la hau u Simone, 'me u mora oa Jonase." Ua bona, khatiso ea se tšepisitsoeng e tsebahalitsoe ka ho Eèna.

94 Monna eo o ne a sa khone ho saena lebitso la hae, Bibeletse hore o ne a sa bala a bile a sa ruteha. Empa e ne e le boitsebiso bo bokakang, hoo a bileng a tēla ho se lumele ha hae hohle ka potlako, 'me a re, "Ke Messia eo esale re 'matla!" Ho lokile, o ile a E lumela.

95 E mong a eme mono a bitsoa Filipi, ea ileng a matha a potela ka motse, leralla, naha, limaele tse ka bang leshome le metso e mehlano, 'me a fumana motsoalle, a khutla le eena tsatsi le hlahlamang, ea bitsoang Nathanaele. A mo fumana tlas'a sefate, a rapela. A re, "Tloo, u bone Eo re mo fumaneng, Jesu oa Nazaretha, mora oa Josefa."

96 A re, "Joale, joale, joale! Na ntho e molemo e ka tsoa Nazaretha, sehlopheng seo sa batho ba maemo a tlase mono?"

A re, "Tloo u bone!"

97 Ke eona ntho e ntle—ke tlhahiso e khabane eo motho a ka e etsang. U se ke oa lula hae oa nyatsa. Tloo u fumane, hlahloba Mangolo! Tloo, u bone!

98 Tseleng ha ba ntse ba itsamaela, ba tsamaea, ba ntse ba bua ka tse neng li etsahala, kamoo a 'moleletseng ka Simone ea tsebiloeng ke Eèna, ntata'e le joalo-joalo.

99 Eitse ha a kena moleng, mohlomong e ne e le mola oa thapelo, ekaba kante har'a letšoele, ha ke tsebe. Empa hohle moo a tllileng, 'me Jesu a mo bea mahlo khetlo la pele, A re, "Bonang Moiserale, eo ho seng mano ho eèna!"

A re, "Rabbi, U ntsebella kae?"

100 A re, "Le pele Filipi a u bitsa, u sa le tlasa sefate, Ke u bone." Boo e ne e le boitsebiso ba likhatiso tsa Molimo o tlotsitsoeng.

101 Ho re, "Rabbi, U Mora Molimo!" E ne e le eng? Likhatiso tsa Hae li Mo tsebahalitse. O tsebile ka Lengolo hore eo e ne e le Monna eo ea tlotsitsoeng, Molimo a tlotsitsoe nameng. Molimo o no o le ka ho Krete, ho busetsa lefatše ho Oona. A re, "Rabbi, U Mora Molimo. U Morena oa Iseralee."

102 Jesu o itse, "Hobane Ke itsalo, u lumela ho 'Na? U tla bona tse khohle ho feta tsena."

103 Joale, ba ne ba eme haufi, ba sa lumele Hoo. Ba itse, "Monna enoa ke Belsebule, Ke senohle."

104 Jesu o itse, "Ke u tšoarela ka seo. Empa mohla Moea o Halalelang o tllileng ho etsa ntho eona eo, lentsoe le le leng

khahlano le Oona le ke ke la tšoareloa lefatšeng lena kapa lefatšeng le tlang ho tla.”

¹⁰⁵ Le a bona, pheko e ne eso hlahisoa le joale. Le a bona, ho ke ke ha ba joalo, u ke ke ua ba le . . . U ke ke ua lahleloa lihelong pele u fihla kahlolong. Sechaba sena se ke ke sa etsa hoo, le Molimo a ke ke a etsa joalo. Le a bona, u sebakeng, u eme u le mahlaahlela a chankana hofihlela u amohela kahlolo. 'Me, le a bona, O ne a ka sitoa ho ba leleka, hobane pheko e ne eso etsoe.

¹⁰⁶ Empa ka mor'a lefu la Hae, kepelo, le Letšoa o le tsoang Maling, Moea o Halalelang, joale, ho bua khahlano le Hoo, ke sebe se sa tšoareloeng. Lentsoe le le leng feela ke phetho seo u tlamehang ho se bua khahlano le Oona, ha ho tšoarelo kae kapa kae. Lentsoe le le leng khahlano le Oona, ua bona, ke ntho e khōlō hakakang.

¹⁰⁷ Joale, re boela re fumana hape, sena se Mo tsebahalitse e le Messia ea tlotsitsoeng. Molimo ka ho Krete, Pheko ea matsatsi a qetelo, Krete o etsetsa matsatsi a qetelo pheko. Joale, ho Nathanaele, o—o—o E lumetse 'me o Mo eleletsoe.

¹⁰⁸ Mosali o kile a fihla selibeng khetlo le leng holimo Sikare, motseng oa—oa Samaria. Jesu o ne a hloka ho feta mono mohla A ne a le tseleng ea Hae e theohang, ho theoha leralla ho tsoa Jerusalema, ho kena hantle Jeriko, empa A pota le ka Samaria. Ha thoe O ne a “hloka ho ea,” Ntate a Mo isa moo. Mohla A fihlang mono, O rometse barutuoa. 'Me a lula fatše, a ipotsa, kea kholoa, seo e neng e le sona.

¹⁰⁹ Joale hopolang, Santa Johanne 5:19, Jesu o itse, “Kannete Ke re ho lona, Mora o sitoa ho etsa letho a Inotši, haese seo A bonang Ntate a se etsa.” Joale hopolang, ha A etsa mohlolo o le mong, e seng mohla A e *utloang*, mohla A ntse a e “boneng” eona. “Mora ha a etse letho pele A bona Ntate a e etsa pele.”

¹¹⁰ Le a bona, hoo ho bontšitse seo A neng a le sona, Moporofeta eo, Molimo-Moporofeta. Ea fetisang Moporofeta, E ne e le Molimo! Sohle seo baporofeta ba neng ba le sona, se ne se le ka ho Eena, kopanya. Baporofeta ba ne ba tšoare karoloana ea Lentsoe feela. O ne a tšoare Lentsoe lohle, E ne e le Lentsoe botlalong ba Lona. Empa hlokomelang, “Mehlang ea khale Molimo o ne o bua ka mekhoha e fapaneng, ka likaroloana tse nyenyane. Letsatsing lena la ho qetela, botlalo ba Lentsoe bo tlile ka Mora oa Hae Krete Jesu, Molimo o entsoeng nama har'a rōna.”

¹¹¹ Mosali enoa e monyenyanane, ea setumo se sebe, re 'mitsa, ka nako tse ling, sehloa. Mohlomong ngoana o ne a leleketsoe seterateng. Ka nako tse ling ho a tšoana le joale, ha se botlokotsebe ba bana ka botlalo, ke litlokotsebe tsa batsoali, mofumahali e monyenyanane a tsoe 'me a itšoare joalo. Mohlomong mosali e motle, a nyolohela mono ho kha nkho ea metsi, e ka ba hora ea leshome le motso o mong.

112 Joale hopolang, haeba u kile ua fihla bochabatsatsi, ha ba eso fetophe le hanyenyane, esale moetlo oo. Basali ba tsoa, baroetsana ba ea selibeng ka nako ba kha metsi. Sehlola kapa motho ea setumo-sebe a ke ke a tsamaea le bona. Ba ke ke ba kopana.

113 A tlameha ho tsoa hoba ba bang ba qete. O tlile, mohlomong a khathetse, mohlomong a na le motsoalle e mocha eo oa moshanyana, monna oa hae bosiuung boo. A tsoa, a nkile nkho ena ea metsi, a e beha fatše. Ho e theola, ho lepeletsa, ho e theola, utloa Monna a re, “Mphe metsi.”

114 A sheba koo 'me a bona Monna oa lilemo tse bohareng a eme mono, litelu tsa Hae li batla li le putsoa. A ka ba lilemo tse mashome a mararō feela, empa Bibe e boletse A bonahetse a le mashome a mahlano. “U monna ea seng ka holim'a lilemo tse mashome a mahlano, le ho re U bone Abrahamama?”

115 A re, “Pele ho Abrahamama, KE TENG.” Le a bona? Le a bona, ba ne ba sa E utloisise. O ne a hlohlora lintu tseo ho Eena.

116 Kajeno re tlameha ho kopa le ho rapelisisa, le ho phaphatha le ho kopa, le ho qekisa le ho tšepisa Bakreste, ho tla kerekeng, “Ha ba ka tla kerekeng, re tla etsa hore-le-hore.”

117 Jesu, mehleng ea Hae lefatšeng, O bile le ba bangata haholo le Eena. A qamaka 'me a bona phutheho, A batla ho ba leleka, O itse, “Ekare ha le sa je nama ea Mora motho la noa Mali a Hae, ha le na Bophelo ka ho lona.”

118 Na le ka nahana ka ngaka e lutseng kantle mono? “Khele,” ho re, “Monna enoa o batla re be senoamali sa motho. Ho noa Mali a Hae? Bosoaana! Lona batho bohle le ikele 'me le siee Monna eo oa lehlanya a le mong.” Ba ikela.

119 Ha A ka a E hlalosa. O ne a sa tlameha ho E hlalosa. O tsokotsa tumelo ea hau ka nako tse ling ho bona seo u tla se etsa. 'Me O etsa ntho eona eo le tsatsing lena, ee, ere e hlahe e u harola letsoalo hanyenyane, ho bona moo u emeng teng, hore na u hlile u a lumela.

120 Hopolang, bona...-barutuo, ba khethiloeng ke Molimo esale pele, ha ba ka ba sisinyeha. Keha ba sa khone ho E hlalosa, le bona, empa keha ba sa batle ho tsamaea. Eaba O boela a khutla, A re...

Phutheho eo eohle ea tloha, likete.

121 A bolella ba mashome a supileng ba lutseng mono, bareri ba Hae bao A ba khethetseng ho tsoa le ho ea rera ba Mo eteletse pele, A re, “Ke tla ba tsukutla ke bone moo ba leng teng.” Eaba O re, “Be, u tla reng ha u bona Mora motho a nyolohela Leholimong moo A tsoang teng?”

122 “Mora motho o nyolohela Leholimong? Re tsoasa lihlapi le Eena, re robala le Eena mabopong a noka. Re ja le Eena. Re bone sejelo seo A tsoaletsoeng ho sona. Re tseba 'mè oa Hae, baena ba Hae. 'Me Mora enoa oa motho o nyolohela moo A tsoang teng?”

O tsoa Nazaretha! Taba ena e thata.” Ba ikela, le bona. Ba itse, “Ha re khone ho bona Sena.” Ua bona? Ho etsahetse eng? (Le ka mohla ha e a sisinya barutuo ba. Ba ne ba sa khone ho E hlalosa.) Bao bohle ba ikela. Ha A ka a E hlalosa. O ne a sa tlameha.

¹²³ Kajeno re fumana limela tsa litente tse chesang, tse bitsoang Bakreste, u tlameha ho fafatsa le ho qeka le ho qabola, “Me na u ka nkotlollela setsoalle, na u ka sebetsa ’moho, na u ka etsa *see*?” Oh, lōna sehlopha sa limela tsa ntloana-mocheso! Re hloka Bokreste ba makhonthe, bo tsoetsoeng ke Moea oa Molimo. ’Me ba sa tl’o sebelisana, le letho lesele, ha ba batle letho.

¹²⁴ Jesu a retoloha, a sheba barutuo ba, ho re, “Na le lona le rata ho ikela, le lona? Na le batla ho tsamaea, le lona?” A re, “Ke khethile ba leshome le metso e ’meli ba lona, ’me e mong oa lona ke liabolosi. Hobaneng le sa tsamaee, le lona?”

¹²⁵ Eaba Petrose o bua mantsoe ao a sehopotso, “Morena, re ka ea kae? Re kholisehile, re a tseba U Seliba se tsebahalitsoeng sa Bophelo. U tšoere Lentsoe, ’me Lona feela. Re khotsoe.”

Mosajana enoa ea emeng mono. Ho re, “Mphe metsi.”

¹²⁶ A re, “Ha se moetlo, re a khethollana, ha re na ntho e joalo mona.”

¹²⁷ A mo tsebisa kapele hore ha ho phapang lipakeng tsa Mojude kapa seo e neng e le sona. E ne e le Molimo. O itse, “Ea lata monna oa hau le tle koano.”

A re, “Ha ke na monna.”

¹²⁸ A re, “U boletse ’nete. U bile le ba bahlano, le eo o phelang le eena joale ha se oa hau.”

¹²⁹ Joale shebang mosali eo. Ntho e ’ngoe e etsahetse, Peōnyana eo e reriloeng pele tlase pelōng ea hae!

¹³⁰ Mohla A ne a bolella Bafarisi bao, ba shebeng, ba ile ba tima feela seo ba se pakileng. Ba ipoletse e le Bakreste, ba ipoletse e le balateli, ba ipoletse ba Mo rata. Empa eitse ha ’Nete e fihla, Ea ba fifatsa.

¹³¹ Empa mohla *Sena* se tllileng, Sa hlahisa Bophelo, Sa ntša botšo ho bo soeufatsa bohle. Ha thoe, “Hokae. . .”

¹³² A re, “Monghali, kea lemoha hobane U Moporofeta. Joale, re qetitse e mong ka lilemo tse makholo a mane.” Ua bona? “Kea lemoha hobane U Moporofeta. Joale, rea tseba Messia mohla a tllileng, Boitsebiso ba Hae e tla ba khatiso ea mofuta oo, O tla re bolella lintho tsena.”

A re, “Ke ’Na ea buang le uena.”

¹³³ ’Me, ka polelo eo, a liha nkho ea metsi, a kena motseng a re, “Tloong, le bone Monna ea mpoleletseng tseo ke li entseng. Na ena ha se eona khatiso ea Messia ea tlotsitsoeng e leng Lentsoe, e tsebang mehopolo e ka pelong? Na enoa ha se Messia?” Oh, khili!

134 Shebang, mosali oa phallo ea mali, O ile a suptjoa ho eéna, ka khatiso ea Hae, hore E ne e le Messia. Mosali oa phallo ea mali o Mo tsebile, Lentsoe.

135 Baheberu 4:12, Bibe e boletse, “Lentsoe la Molimo le matla ho feta sabole e leolitsoeng ka nqa tse peli, le Mosenoli oa mehopolo e pelōng,” (Ba e tsebang ba bakae?) “kelellong.” Ke seo Lentsoe le leng sona. Le a lumela E ne e le Lentsoe? Na le a lumela esale Eèna maobane, kajeno, le kamehla? Uh-huh. Ke phetho, haeba u lumela Seo.

136 Hlokomela, mosali enoa e monyenyanane o itse, “Ha nka Mo ama feela! Ha ke tsotelle hore na ba bua hakae ka Eena. Ke lumela hore O seo feela A itseng O ne a le sona. Ha nka Mo ama, ke tla fola.” Ka hona a pholletsa ’me a Mo ama. A khutlela har’a letšoele.

Jesu a ema, le ho re, “Ke mang ea Nkamileng?”

137 ’Me Petrose a leka ho Mo etsa ramethapo, a re, “Khele, mang le mang! U se ke ua bua lintho tse joalo, khele, ba ke ke ba tseba seo ba ka se nahanang ka Uena. Monna oa maemo a Hau, le ho re, ‘Ke mang ea Nkamileng?’ E mong le e mong o a U ama.”

138 A re, “Empa Ke utloile Ke fela matla, molemo o tsoile ho ’Na.” Ho tsebiloe se hlahleng!

139 Joale shebang, shebang se tlang, matsoalo a latelang a maholo. A qamaka hofihlela A mo fumane, ’me A mo bolella maemo a hae, tumelo ea hae e mo pholositse. O ne a . . . O tsebahalitsoe e le Lentsoe la Molimo, a tseba makunutu a pelō. Oh, khili! Lentsoe le senola ’mele, le senola pelo.

140 Joale nakoana feela, ho koaleng. Joale, joaloka Baheberu 13:8 e nèpile, “E sa le Eèna maobane, kajeno, le kamehla,” na le lumela Seo? Joale mona ke tlola lintho tse ngata tseo ke lokelang ho li bua. Joale ke hona, semelo sa Hae se tla Mo tsebahatsa joale nakong ena ea joale, haeba E le oa maobane, kajeno, le kamehla, joaloka ha A entse mohlang oo. Na ho joalo? O e tšepisitse. ’Me, le hopole, khatiso ea Hae ke boitsebiso ba Hae. Ba e utloisisang ba bakae, phahamisa letsoho la hau. Khatiso ea Hae ke boitsebiso ba Hae.

141 Joaloka bao ba tsoileng Emmause, joaloka ha ke bolela sena. Jesu o ne a thakhisitsoe. Bohle ba ne ba hloname. Ba ne ba le lebitleng. Joale ba itse, “Motho o tlile a Mo utsoa.” Ka tsatsi le leng A tsoa lihlahleng tse itseng ’me a tsamaea le bona, ha A ntse a ea Emmause. ’Me ba re . . .

A re, “Khele le—le hloname ke’ng?”

A re, “Be, athe U moeti feela mona.”

142 ’Me hoba A ba kenye kahare, O entse ntho e kang eo A e entseng pele ho thakhiso ea Hae. E ne e le khatiso ea Hae ea ho e sebetsa joalo. ’Me ba eleletsoe kapele, ka khatiso ea Hae, hore e ne e le eèna Jesu ea thakhisitsoeng. Amen.

143 Molimo o Mo tsoitse bafung, 'me kajeno khatiso ea Hae, kamoo e leng kateng, joaloka mohlang oo! Le ho khutla ha matsatsi a Sodoma, joaloka ha Jesu a porofetile, eona ntho eo e tla etsahala "mohla Mora a senoleloang batho." Ke boitsebiso ba khatiso ea Hae. Baheberu 4:14 le 15, "Hona joale ke Moprasta oa rōna e Moholo ea ka angoang ke maikutlo a mahlomola a rōna," joaloka ha A entse mohlang oo. Na le lumela seo? Mefokolo ea rōna e a Mo ama. Be, haeba e ka Mo ama, O ne a tla itšoara joang haeba E le oa maobane, kajeno, le kamehla? Khatiso ea Hae e tla tšoana. Ke moo A tla itšoara joaloka ha A entse mohla mosali a amang seaparo sa Hae. Na le lumela seo? O phela kamehla, O a phela kamehla, 'me likhatiso tsa Hae li sa ntse li Mo tsebahatsa kajeno joaloka ha A entse mohlang oo. Na u e lumela ka pelō eohle ea hau? Molimo, o tsebahatsoa ka khatiso ea Oona, ho Mo tsebahatsa.

Ha re inamiseng lihlooho tsa rōna.

144 Ntate oa Leholimō, re banna le basali ba lutseng mona bosiueng bona. Empa rōna, joaloka mohlang oo, re tšoara Molimo ha re tšoara Lentsoe. 'Me, Ntate, ke tšaba ho leka ho bua ntho e seng ka mona. Ke tšaba ho leka ho kenya boithalalotsetso ba ka ho Eona, hobane e ka 'na ea eba phoso. 'Me U itse, "Ekare ha e mong a tlosa Lentsoe le le leng ho Eona, kapa a eketsa lentsoe le le leng ho Eona, kabelo ea hae e tla tlosoa Bukeng ea Bophelo." Bophelo ba ka bo ka molemo ofe, Morena, haeba ke etsa bobbe bo kang boo? Ka baka leo ke E bua kamoo E leng kateng.

145 'Me, Ntate, U tšepisitse hore U tla E bonahatsa. Kea lumela U tsohile bafung, lilemo tse likete tse peli tse fetileng, 'me u a phela bosiueng bona, ho bitsa batho ba nyatsehang joaloka ha U entse kamehla, e mong *mona* le e mong *mane*; ha ho lihlopha, ha ho mekhatlo, ha ho mekhoha e meholo ea seo monna a se entseng. Empa U itse U tla ntša batho ho Molichaba, batho, "Ba babeli tšimong; Ke tla tlohela e mong, ho nka e mong. Ba babeli liphatheng; Ke tla siea e mong, ho nka e mong," batho mona le mane, bakeng sa Lebitso la Hau, Monyaluoa.

146 Ke lumela hore semelo sa Hau se a U tsebahatsa. U tšepisitse, "Joaloka matsatsing a Sodoma," ho tla ba joalo ka letsatsi leo U neng u senoloa ka lona, Lentsoe. Lentsoe ka Bolona, la hora ena, le tlameha ho senola Lentsoe ka Bolona, joalokaha Lentsoe le tlile ho baporofeta. 'Me, Ntate, re bona Johanne a eme mona lefatšeng, 'me e—e Lentsoe leo a neng a le senola e ne e le leo. 'Me Bible e itse, "Kamehla Lentsoe le tla ho moporofeta." 'Me Lentsoe e ne e le nama mohlang oo, eaba Le tsoa le kena metsing, ho Johanne. Lentsoe le tlile ho moporofeta.

147 Ntate Molimo, tloo bosiueng bona, kea rapela, le ho re thusa. Thusa ho se lumele ha rōna. Re tšoarele mefokolo ea rōna. Folisa bakuli le ba mahlomoleng. Lentsoe le le leng ho tsoa ho Uena, Morena, le bohlokoa ho feta ntho efe eo motho a ka e buang. Bua

feela, Ntate, Lentsoe le le leng feela le tla bua haholo. Joale, esale Uena maobane, kajeno, le kamehla. Re inehela ho Uena joale. 'Me re rapela hore ha re tloha 'me re ea malapeng a rona bosiu bona, re tle re bue joaloka bao ba tsoang Emmause, mohla ba 'Monang a etsa ntho e ba tsebisang hoba E ne e le Morena ea tsohileng. Ho sa tsotelehe hore na ba buile hakae, "Ba utsoitse 'mele oa Hae, 'me—'me ba entse *sena, sane, kapa se seng,*" ba tsebile ka bobona hore O tsohile bafung. Na U ke ke ua Ipontša u phela hape? Le ho biletša ba motseng ona o motle le ka mathoko, ba reretsoeng Bophelong, ho Uena. Hoba re e kopa ka Lebitso la Jesu. Amen.

¹⁴⁸ Joale, ke tla le kopa metsotso e ka bang leshome le metso e mehlano joale. Re tla ba morao nakong ka metsotso e ka bang leshome feela. Ke tla potlaka. Ke batla ho bitsa likarete tsa thapelo. Ke lumela Billy. . . G, likarete tsa thapelo tsa G, na ke sona seo ba se abileng? G, likarete tsa thapelo G, ha re nkeng 'ngoe ho fihla ho leshome le metso e mehlano kapa mashome a mabeli, ho hong. G, 'ngoe. Ba bakae. . . Ba tsoereng G, palo ea 'ngoe, phahamisa letsoho la hau, ho bona haeba e le teng mona. [Sekheo lebanteng—Mohl.] 'Me, hopolang, tsoarang likarete tsa lona tsa thapelo, le tla rapelloa. Haeba u sa e fumane bosiu bona, re tla e fumana. 'Ngoe, peli, tharō, 'ne, hlano, tšelela, supa, robeli, robong, leshome, hantle mona ka potlako ea bokhoni ba lona, 'me le tle hantle mona 'me le kene moleng. Ho lokile. 'Ngoe, peli, tharō, 'ne, hlano, tšelela, supa. Tharō ha eo ka mono. Supa, supa, 'me 'ngoe, peli, tharo. . . Mpalle, Roy, bona. Ho lokile, leshome. Ho lokile, 'ngoe ho fihla ho leshome. Leshome le metso e mehlano joale, G, 'ngoe ho fihla ho leshome le metso e mehlano, eo ke fif-. . . kapa leshome, leshome le motso, leshome le metso e 'meli, leshome le metso e meraro, leshome le metso e mene, leshome le metso e mehlano. Ho lokile. Ha re—ha re emiseng mono, sena feela. Ho lokile.

¹⁴⁹ Joale re—re leka ho boloka lentsoe la rōna, ua bona, ho tosa ka mashome a mararō ka morao ho robong, empa re ke ke ra e khona bosiu bona, ke—ke—ke a tseba. Empa joale ke batla e mong le e mong a neele maikutlo a sa arohanang.

¹⁵⁰ Joale, haeba ke buile 'Nete ka le bolella lintho tsena li tlamehile joalo, 'me ke ena ka Bibeleng, hore ena ke hora. Mohlomong u rutiloe sekolong se seng. Ho bile joalo le ka Bafarisi. Empa Bibe e boletse, letsatsing leo, "Moroetsana o tla emola," O. . . O e entse. O itse likhatiso tsa Messia li tla ba *joalo*. E ne e le eona. Empa ba ne ba sa E lumele. Seo ha sea ka sa Mo thibela ho tsoela pele hantle feela ka ho tsoana. Ho a tsoana le hona joale. Re phela lihoreng tsa ho qetela tsa letsatsi la ho qetela.

¹⁵¹ Mahlale a re ke metsotso e meraro pele ho khitla ea bosiu. Ke kholoa nako e tsamaile ho feta moo joale, nako efe feela. Bokomonisi bo hometse naha, 'me bareri ba sala bokomonisi

morao sebakeng sa Kreste. Ekare ke bo tsoa le ho ho leka ho ahlola seo, hobaneng re sa bone hora eo re phelang ho eona? Bokomonisi, ha re na . . . Khele, khele! Ha ke tšabe bokomonisi. Ke ho Khutla ha Morena ho tla u tšoara u sa itlhophisa, ke seo e leng sona, ho kereke. Joale e mong le e mong, e re Amerika eohle e sokolohela ho Molimo, 'me u shebe se hlahelang bokomonisi. U tlameha ho fumana maloetse, u ntano fumana pheko.

¹⁵² Joale, mang le mang ka tšabo, le se ke la phethesela hleng. Joale, ke ba bakae ntle mono ba se nang setlankana sa thapelo, 'me le batla hore Molimo a le folise? Phahamisa letsoho la hau feela, ho re, "Ke—ke—ke—kea lumela." Ho sa tsotelehe moo u leng teng.

¹⁵³ Joale shebang, kea nahana *sena* ona o a sebeta, [Moena Branham o bulela maekrofounung—Mohl.] *sena*. Ho lokile. Haeba u entse . . . Na u ka nkutloa morao mona? Ho lokile. Ho lokile. Joale e shebe, Moena Roy.

¹⁵⁴ Joale, Lentsoe le le leng le tsoang ho Molimo le tla bua ho feta sohle seo nka se buang.

¹⁵⁵ Joale, ha ke sheba ho tsoa mona, ho thata, *sena—sena* esale se le joalo. Ua bona, maseli a sefahlehong sa hau hantle, 'me ho batla ho le thata ho bona batho kantle mono.

¹⁵⁶ 'Me ha ke tsebe. Ha ke bone motho a le mong, ka tšoanelo, eo nka mo tsebang joale. Ba sa ntsebang har'a lōna ba bakae, phahamisa letsoho la hau, le tsebang hoba ha ke tsebe letho ka lōna. Kea kholoa e hohle. Ba bakae moleng oa thapelo ba ntsebang ke sa tsebe letho ka lōna? Phahamisang matsoho a lōna. Hohle moleng oa thapelo mono, haeba u ka nkutloa, phahamisa matsoho a hau haeba—haeba ke le moeti. E mong le e mong.

¹⁵⁷ Joale Eena ke eng? Ke Mopriska ea Phahameng ea ka angoang ke maikutlo a mefokolo ea rōna. Mosali eo ea amileng seaparo sa Hae, mohlomong a sa tšoara setlankana sa thapelo, le eena, empa a Mo ama 'me, hoba a etse, ntho ea etsahala. Joale le uena u ame ka ho tšoana, ho Mo ama. Ke ba bakae ba tsebang hore Baheberu, khaolo ea 4, e re, "Joale ke Mopriska e Moholo ea ka angoang ke maikutlo a mefokolo ea rōna"? Ba e tsebang ba bakae? Be, na ebe O ne a tla pepesa eona khatiso ea Hae? Haeba E le oa maobane, kajeno, le kamehla, O tla etsa joalo. Ho lokile. Joale, na enoa ke . . .

¹⁵⁸ Moena Pearry, u tle le bona ho 'na joale. Joale ke batla e mong le e mong a be le hlomphe e tiileng. Hantle mona, hantle mona, khaitsetli.

Joale, na le a nkutloa? Joale, ha ke tsebe. Le shebe na ke mang ea lutseng e—e moenjenere mono, hoba ha ke tsebe joang.

¹⁵⁹ Pono. Joale, hopolang, ha ke Messia oa letho, ha ke Kreste. Empa O teng mona. Ke seo ke le kang hore le se bone, O teng mona, O boloka Lentsoe la Hae.

160 Joale, haeba mosali enoa a kula, ha ke tsebe. Ha ke mo tsebe. O moholoanyane ho 'na. Mohlomong re siana ka lilemo, 'me re siana ka limaele, lena ke khetlo la rona la pele re kopana.

161 Joale, ho tšoana le Morena oa rōna a kopane le mosali, ho Santa Johanne 4. Ke leka ho e hlakisa hoo le ke keng la sitoa ho e bona, ka hona, Setulong sa Kahlolo, ha ho mali matsohong a ka letsatsing leo. Joale, Jesu o tšepisitse sena se tla boela se hlaha matsatsing a qetelo. Ha re haola vekeng, le tla fumana. Ke tšepiso.

162 Joale, ha ke tsebe mofumahali, enoa ke monna le mosali ba kopana khetlo la pele. Joale, ha Morena Jesu a ka ntšenoletsa lebaka la hau mona, kapa la motho e mong, kapa seo u se etsang, kapa se phoso ka uena, kapa seo u se entseng, haeba e le lichelete, lelapa, seo e ka bang sona, e tla tlameha ho tsoa Matleng a mohlolo, hoba ha ke u tsebe. Ba ba kae ba tla e pakela, e tlameha ho tla ka Matla a mohlolo? Joale, u ka bapala joaloka Mofarisi, ho re ke e. . . (Ka lehlakoreng le leng, Moena Roy, ua bona.) U ka bapala joaloka Bafarisi, le ho re, “Ke moea o mobe,” seo ba bangata ba se etsang. Seo se mahareng a hau le Molimo, ke hona. Ebe moo u tlang ho fumana moputso oa bona. Empa haeba u re, “Ke ea Molimo,” joale u tla fuoa moputso oa Hae. (Joale, hoo ho betere. Kea leboha.)

163 Joale ntlime motsotso feela. Joalokaha Jesu a boletse. . . Eare ha Petrose le Johanne ba feta khorong e bitsoang e Lokileng, ho re, “Ntlime.” Ha ke—ke u tsebe. 'Me joale ha Moea o Halalelang, Motho e mong ea hosele le 'na, a ka tla senola se ka pelong ea hau, joale Bibe e boletse, “Lentsoe la Molimo le bohale le fetisa sabole e leolitsoeng ka nqa tse peli, Mosenoli oa mehopolō, merero ea pelō.” Ke hantle seo Bibe e se buang. Joale, hoo ho senola sephiri sa pelō. Joale, eo e tla be e le khatiso ea Molimo, Lentsoe le bonahalitsoeng letsatsing lena. Ba e lumelang ba bakae joale? Ho lokile. Uh-huh. Joale na le bona seo e leng sona?

164 Joale ke e rerile, ka le bolella ka eona, empa na ke 'nete? Ke eona ntho e latelang, ua bona. Joale, haeba e le 'nete, e mong le e mong oa lona. . . Haeba e se 'nete, o tla e tseba. Ruri, o tla e tseba. U tla e tseba, le uena. Empa haeba e se 'nete, joale ke—ke—ke pakile phoso ka Krete. Haeba e le 'nete, e mong le e mong oa lōna o tlameha ho Mo neha lipelō tsa lōna, ho lokela ho Mo lumela ka pelō eohle ea lōna, le ho nanabela le ho Mo amohela bakeng sa sohle seo u se hlokang. Ke 'nete.

165 Joale Moea o Halalelang o ke o Itsebahatse ka Lebitso la Jesu Krete. Joale, ha ke na mehopolō oa seo u se tletseng mono. U shebahala joalo ka mosali ea shebahalang hantle, joaloka 'me ea emeng mono, 'me ke phetho seo ke se tsebang ka uena. Empa Moea o Halalelang o ka senola lebaka la hau mona, bothata ba hau, kapa ho hong. U tla tseba haeba e le 'nete kapa che.

Joale, uena, seo u se batlang ho rapelloa, ke ntho e kang mesifa sefahlehong sa hau. Ke methapo, ntho e kang eo, sefahlehong sa hau. Joale, haeba e le 'nete, phahamisa letsoho la hau. U a lumela na?

Joale, joale u ka re, "O mpile a e hakanya feela."

¹⁶⁶ Joale, ke motho ea khabane. Joale, sheba mona motsotso feela, khaitsetli. Ha ke tsebe seo A u boleletseng sona. Empa e ka bang eng, e ne e le 'nete. U—u paki ea ntho eo joale, ha ke re? [Khaitsetli o re, "Ke hantle."—Mohl.] Ke hantle. ["Ka lilemo tse mashome a mabeli."] Khele! U a lumela Molimo o tla u folisa eona? Joale, u a tseba hore Ke Boteng ba Hae, Ntho e teng mona e u tsebang, Ntho e 'ngoe. Joaloka ha Jesu a boleetse mosali, O tsebile bothata ba hae, joale O tsebile bothata ba hau.

¹⁶⁷ 'Me eka u imetsoe ka motho e mong. Ke ea hau . . . Ke monna, ke monna oa hau. O teng mona, hape. Ke hantle. 'Me—'me u lumela Molimo o ka ntšenoletsa bothata ba monna oa hau? [Khaitsetli o re, "E, ke etsa joalo."—Mohl.] Ke monna ea kulang haholo, o na le mathata. Ntho e le 'ngoe e mo tšoenyang, ke lefu la pelo. O na le bothata ba pelo. Haeba ho le joalo, phahamisa letsoho la hau. ["Ke hantle."] Hape o jeoa ke hernia. ["Ke hantle."] Ke hantle. Ua bona? Ke hantle? Ee. O linerefe haholo, e, letsoho la sebele. Ke 'nete, na ha ho joalo? ["Ee."]

¹⁶⁸ Ha Jesu a ka ntšenoletsa! O boleetse Petrose hore e ne e le mang. Haeba A ka ntšenoletsa na u mang, na u tla lumela hore ke Eèna? [Khaitsetli o re, "Ee."—Mohl.] Ha u tsoe mona. ["Che."] U tsoa bochabela ho mona, u tsoa Louisiana. ["Hantle."] Ke hantle. Hantle. 'Me lebitso la hau u Mof. Coleman. ["Ke hantle."] Khutlela hae, Jesu Krete u a u phelisa. Tumelo ea hau e a folisa.

¹⁶⁹ Joale lumela. U lumela ka pelō eohle ea hau? Jesu Krete o Itsebisa tsohong ea Hae! Le bona seo ke se bolelang? Joale, mang ea kelello e pholileng, o a tseba ha ho motho ea ka etsang hoo.

¹⁷⁰ Joale, lōna kantle mono, le bue tjena ho Molimo, "Ke—ke—ke a tseba monna eo ha a ntsebe, ke tla rapella ho hong. Morena, na nka ama seaparo sa Hau? Haeba ho le joalo, etlaba U Itsebahalitse tsohong ea Hau. Retoloha, e re ke U ame, U ntano bua le 'na ka eèna." Bonang se etsahalang. E lekeng feela.

¹⁷¹ U phela joang, monghali? Na u ka atamela ho feta-feta? Ho na le batho ka mora hau mono, ua bona.

¹⁷² Ntho e 'ngoe le e 'ngoe joale, ke ntho ea lona eohle—moea o mong le o mong, eka ho futha. U a e tšoara, ua bona, hape ho tseba mohopolo oa bona, 'me e a fihla, ua bona, u a ferekana.

¹⁷³ U a lumela ke mohlanka oa Hae? U a lumela Krete a ka ntšenoletsa lebaka la hau mona? Hopolang, re tla kopana Setulong sa Kahlolo ka tsatsi le leng le ho arabela sena bosiuong bona. U ellelloa seo? Bothata ba hau, bo bong, bo ka mokokotlong oa hau. U na le mathata a mangata. U na le bothata ba

mokokotlo. 'Me mahlo a hau a nyamela, u na le bothata ba leihlo. Haeba e le 'nete, phahamisa letsoho la hau. Joale, u boetse u etsa ntho eo u batlang ho e tela. Na ho lokile ho 'na ho e bua? U batla ho tēla ho tsuba hoo. 'Me—'me ntho e 'ngoe, u fumane. . . u utloa e le eona ntho e u sitisitseng ho amohela Moea o Halalelang. Joale u batla ho amohela Moea o Halalelang, ke takatso pelōng ea hau. Ke hantle, tsokotsa matsoho a hau *tjena*. Be, e u tlohetse joale, e-ea, amohela Moea o Halalelang, 'me u fole. Molimo a u hlohonolofatse, monghali.

174 Le a lumela? Joale ke kopa le be le tlhompho ea sebele. Joale re se re le morao haholo nakong, lula u khutsitse nakoana feela.

175 U phela joang? Ha re tsebane. [Khaitsetli o re, "Ee."—Mohl.] Morena Jesu o re tseba bobeli ba rona. Joale se tšohe, u a bona, u batla u le. . . U a bona, iketle feela, ke Boteng ba Hae. U bona, ke eona. Ke Boteng ba Hae. Joale u arubetsoa ke maikutlo a hlollang haholo, a hlollang, a mosa, a ithobileng. Le a bona? Joale, ho ema pel'a ka pel'a sefahleho sa monna ho ke ke ha etsa hore u ikutloe ka tsela eo.

176 Ba bakae ba kileng ba bona Leseli leo, Topallo eo ea Leseli, Mollo? E ne e katlatsoe hantle mona Texas, khetlo la pele, khetlo labobeli. E leketlile hantle pel'a mosali, le a bona, daemsheneng ena joale. Ekare le ka. . . ha le ka bona feela.

177 Ha u. . . Khaotsa ho tsamaea: ke sona se etsang hoo, ua bona. Hosane bosiu re tla tšoara mola ona oa thapelo ka hora ea robang, ua bona, ke—ke le tšoarella halelele. Ha re nke mosali enoa a le mong, ke hona. Motsotso feela.

178 U a lumela, u lutse mono? E, bofokoli boo u tšoenyehang ka bona, ke sona se phoso. Le a bona? O amme eng? Ha ke tsebe mosali. O amme Moprista e Moholo. Empa, le a bona, ke ne ke mo furaletse, joaloka ha ho etsahetse mehleng ea Abrahama. Mona, sheba ka mona, khaitsetli, motsotso feela. U bonahala u jere moroalo pelōng ea hau. Ke eona. Ke morali oa hau morao mane. O na le bothata ka litsebeng tsa hae. Ke hantle. U a lumela joale ka pelō eohle ea hau? Ho lokile, lumela feela joale, 'me o tla fola.

179 Le bona seo ke se bolelang? "Ha u lumela, tsohle li ka etsoa." Na le a lumela?

180 Ho na le mofumahatsana ea ileng a theola letsoho la hae morao mane, o nchebile hantle. O jeoa ke daebetese. U a lumela Molimo o tla folisa daebetese eo, ea lutseng tlase mono? Ho lokile, u ka fumana seo u se kopang, ke hona. Lumela feela.

181 Mofumahali ho tloha ho uena mono, o na le bothata ba mala le bothata ba senya. U a lumela Molimo o tla folisa seo, ho phekola seo? Ho lokile, u ka fumana seo u se kopang. Letsoho la mofumahatsana. Ua bona, joale sheba, mo botseng feela, Ntho e monate e mo arubelitse. Ua bona, tumelo ea hae, ke sona se etsang hoo. Ha se 'na. Ke Molimo.

182 Mona, monna ke enoa o lutse hantle mona qetellong. O na le bothata ba bronchiale, monna ea holileng enoa ea lutseng hantle mona a nchebile. U a lumela Molimo o tla folisa seo, monghali? Ea lutseng pela hau o jeoa ke tšoaetso 'meleng oa hae. Ke hantle, khaitsemi, tsokotsa sakatuku sa hau haeba e le 'nete. Ho lokile. Ho lokile, le beane matsoho holimo, lumelang ka lipelo tsa lona tsohle. Ntate le morali, ka hona hobaneng ho se joalo? Beanang matsoho holimo 'me le lumele ka pelō eohle ea lōna, Jesu o a le folisa.

Ke—ke phephetsa tumelo tsa lona ho e lumela!

183 Mofumahali ea lutseng ka mora hae mono, a tšoeroe ke bothata ba mala. U a lumela Molimo o tla u phekola, mofumahali? Ke bothata ba hau boo. Haeba e le 'nete, ema ka maoto a hau batho ba tle ba bone. Le a bona? (Ba ntse ba ama mang kantle mono?) Hela, ha ke fose, 'mè oa hau ke eo o lutse pel'a hau mono. O na le tšoaetso maleng a hae. U a lumela Molimo o tla folisa hoo, mofumahali? Ema, le uena, 'me u fole.

184 Lumela! Esale Eena maobane, kajeno, le kamehla. O a Itsebahatsa. U a lumela ke moporofeta oa Hae, kapa mohlanka? Hoo ho khopisa batho, ho re “moporofeta,” ha ba utloisise.

185 Sheba mona. U lumela ka pelō eohle ea hau? U jeoa ke linerefe tse tloisang. U a lumela nka u bolella sesosa sa eona? U hlahetsoe ke kotsi ea koloi. [Khaitsemi o re, “Ke hantle.”—Mohl.] Ke hantle. Ke hantle, ho soahlamana ha koloi, 'me ho u lemalitse mokokotlo le ho kena lehetleng la hau. Na ho joalo? E tla u tlohela hona joale. Ke nako feela ea bophelo feela e ileng ea e tšoenya, ho e ferekanya, empa u tla itokela. E-ea, lumela ka pelō eohle ea hau. Jesu Krete o tla u phelisa, ha u ka lumela. Amen.

186 U a lumela? U a lumela A ka folisa athritisi? Be, tsoelapele feela u tsamaea, O tla u phekola.

187 Ke ba bakae ba lumelang ka pelo eohle ea hau, “Ruri ke lumela ka pelo ea ka eohle”? “Ha u ka lumela!”

188 U a lumela O folisa daebetese le ho phekola batho, ka lefu la tsoekere, le ho ba folisa? U a e lumela na? Lula u tsamaea, u re, “Morena, ke U leboha ka eona.” Lumela ka pelō eohle ea hau, 'me u tla folisoa.

189 Ba lumelang kantle mono ba bakae joale, ka pelō eohle ea lōna? Le se ke, le a bona, le ntse le phethesela, le ntse le E tšoenya, metsoalle. Ke tla u bolella, ba lumelang ba bakae? Phahamisa letsoho la hau feela, ho re, “Ke lumela ka pelō ea ka eohle.”

190 Joale ke tla le kopa ho etsa ho hong. Joale, haeba Jesu a bolokile Lentsoe la Hae, le ho lumela seo, 'me a u paketse eona, Jesu o boletse sena hape, thomo ea Hae ea ho qetela ho Kereke ea Hae, “Mehlolo e tla tsamaea le ba lumelang ke eona ena.” Joale ba bakae ba lumelang? O itse, “Ha ba bea bakuli matsoho, ba tla


foła.” Na le lumela tšepiso eo? Joale beha matsoho holim’a motho e mong ea haufi le uena.

¹⁹¹ Haeba A sa u folise, u tla shoa. U siriloe ke seriti. Empa Jesu Kreste o a u phelisa. U a e lumela na? Ho lokile, beha ea hau . . . tsoelapele ’me u lumele joale, ’me u tla foła.

¹⁹² Tloo, mofumahali. Na u lumela hoba Molimo a tla folisa TB eo le lefu la tsoekere, ho u folisa? Nka . . . Ho lokile, tsamaea, lumela ka pelo eohle ea hau, ’me u fole.

¹⁹³ Ho rapela, na lea rapellana? Beanang matsoho holimo, ha re rapeleng feela, bohle ’moho. Motho e mong le e mong a beane matsoho holimo. Nako e a tsamaea. Beanang matsoho holimo, ’me re rapele.

¹⁹⁴ Morena Jesu, re tiile hobane Molimo o Itsebisa har’a batho ba Hae. Likhatiso tsa Hae, joaloka oa maobane, kajeno, le kamehla, li iponahatsa. Oho Morena Molimo, Uena Ea entseng tšepiso ea Lentsoe, U itse, “Mehlolo e tla tsamaea le ba lumelang ke eona ena. Haeba ba bea bakuli matsoho, ba tla foła.” Batho bana ba ipoletse e le balumeli, balumeli ho Jesu ea tsohileng Ea Itsebahatsang joale ka eona khatiso ea Hae eo A neng a le eona mehlang ea Hae mona lefatšeng, ho etsa hore Mangolo e be ’Nete e tiileng, hore esale Eena maobane, kajeno, le kamehla. Morena Jesu, ’moho le balumeli bana ba beaneng matsoho holimo, ka pel’a Sefahleho se Khethehileng sa Mora oa Molimo ea tsohileng, ea tsebahalitsoeng Ea entsoeng nama har’a rona hape bosiuung bona nameng ea balumeli ba Hae, ke laela moea o mong le o mong o sa hloekang, maloetse le mafu a mang le a mang, ho tsoa bathong bana, balumeli bana ba sa beane matsoho holimo. Ka Lebitso la Jesu Kreste, ho be joalo.

¹⁹⁵ Bohle ba tlang ho lumela pholiso ea lona joale, ba lumelang seo hona joale, ka pel’a Sefahleho se tsebahalitsoeng sa Mora oa Molimo ea tsohileng, ba lumelang hoba le fuoe kōpo ea lona, ’me le tla bontša ntho e tšoanang, emang ka maoto a lona ’me le re, “Ke e amohela ka pelo ea ka eohle.” Emang, e mong le e mong, ka pel’a Sefahleho sa Jesu Kreste, ea tlang ho lumela. Mo rorise! Ho lebisa thoriso le khanya ho Eena. Phahamisang matsoho a lona feela ’me le Mo lebohe. Molimo o tla thasisetsa tšepiso e ’ngoe le e ’ngoe eo A e entseng. 

64-0311 Molimo O Khetholloa Ka Litšobotsi Tsa Hae
Municipal Auditorium
Beaumont, Texas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org